

Ovim putem obaviještavamo sve zainteresirane osnovce i srednjoškolce da JU „Kulturni centar“ Cazin pokreće konkurs za najbolji literarni rad na temu „Bajro Redžić i sevdalinka“. Naime, u toku je pisanje knjige o našem velikanu sevdalinke, koja bi trebala ugledati svjetlo dana iduće godine, na godišnjicu njegove smrti. Autor ove knjige je naš cazinski pisac Rašid Durić, a finansijski će biti podržana od strane Grada Cazina.

Kako bi uključili i djecu u ovaj projekat, naša Ustanova je pokrenula konkurs za najbolje literarne radove na zadanu temu, nakon kojeg će biti odabrana 3 najbolja rada iz osnovnih škola i jedan iz srednjih koji će biti sastavni dio predmetne knjige.



JAVNA USTANOVA „KULTURNI CENTAR“ CAZIN

Trg Prvog predsjednika Predsjedništva R BiH Alije Izetbegovića bb,  
77220 Cazin  
Tel/fax:++387 37 637-771; 639-069; 639- 068, Gradska biblioteka: 614-808  
[www.kccazin.com](http://www.kccazin.com) e-mail: [info@kccazin.com](mailto:info@kccazin.com)

Broj: 465-1/18  
Cazin, 31.10.2018. godine

**KONKURS**  
za najbolje literarne radove

Ovim putem obavještavamo svu djecu, osnovnih i srednjih škola, vičnu pisanju, da se prijave na konkurs JU „Kulturni centar“ Cazin pod nazivom „Bajro Redžić i sevdalnika“. U okviru ovog konkursa, Komisija koju će imenovati Ustanova, odabrat će 3 najbolja literarna rada na zadanu temu iz osnovnih škola i 1 iz srednjih škola. Ovi radovi postaću sastavni dio knjige autora Rašida Durića, o našem velikanu sevdaha Bajri Redžiću, a koja će ugledati svjetlo dana iduće godine, na godišnjicu njegove smrti.

Molimo sve nastavnike, profesore, učitelje i roditelje, koji su poznavali Bajru Redžića i njegov opus da djeci pomognu u pisanju ovih radova, da ih upute u važnost čuvanja tradicije naših prostora, ali i sjećanja na ljude koji su obilježili određene epohe svojim kulturnim radom u lokalnoj zajednici i šire.

Konkurs je otvoren od 01.11.2018. godine do 28.12.2018. godine.

Radove možete slati na adresu JU „Kulturni centar“ Cazin: Trg Alije Izetbegovića bb, ili putem mail-a [info@kccazin.com](mailto:info@kccazin.com), sa naznakom: „ZA LITERARNI KONKURS“.

Svaka škola može poslati neograničen broj radova, učenika bilo kog uzrasta. Radovi trebaju sadržavati ime djeteta/autora, razred koji pohađa i naziv škole koja šalje rad.

Rezultate konkursa ćemo objaviti na našim web stranicama i putem svih dostupnih medija. Pobjednike ćemo, uz objavu rada u knjizi, nagraditi i nekim simboličnim poklonima.

Za sva dodatna pitanja i nedoumice, možete se obratiti na dostupne brojeve telefona i mail adrese naznačenih u memorandumu ovog akta.

Želimo Vam mnogo sreće.

mr Muhamed Dervić, prof.

